

اکتشفتم أنا بعد فتره ..؟!!

اکتشفتم انا بعد فتره ..

إن أغلب الجراح

بتيجی علی فكرة

م اللى انت تكون مرتاح

ليهم ومصدقهم

ومتعشم بزياده

جرحوا ف قلبى ما خلوا

عمال بدى وباتمادى

كالعادة بيا اتسلوا

ف عز ما انا بعشقهم



خليك يا قلبى جامد

ع الاحزان دى دوس

ياما هتشوف م الدنيا

ولسة هتاخذ دروس



كان نفسى اقابل ناس

لسة عايشين للناس

من كتر ما شوفت منهم

اتجمد الاحساس

ويا ميت الف خساره

راجع كلى مراره

والدنيا يوم ويوم

وسنينها دواره !!..

